

عم شهاب

كان ياما كان

كان فيه زمان

صياد وولاده وزوجته

كان دائماً ف الصبح يقوم

قبل الفجر فايق م النوم

يصلي قيام الليل تمام

وكان دايم على الصيام

هو وزوجته والأولاد

وف مرة رايح يصطاد

قابل عم علي الحداد



راح قائل يا عم سلام
مالك كدا قليل الكلام
قال أنا صابح حالي تمام
باحمد ربي وماشي ف دربي
سيبني وبطل كتر كلام
قال له عم علي الحداد
طيب أنا رايح أنام
مش محتاج لي أكيد يا شهاب؟
قال له لأ مش محتاج لك
روح يلا سلام.. سلام
راح عم شهاب آخذ شباكه
راح على رزقه ورزق عياله
لقى تقل الصنارة يشد

هو يشد وشهاب يشد
مش قادر على حمل شبابه
مش عارف.. إنه رزق وجاله
راح نادى بعلو صوته
يا زوجتي يا أم عيالي
تعالى يلا ساعديني
الخير كثير والرزق وفير
هنعطي منه للمساكين.

